



Wanpela gaid bilong ol Pacific Engagement Visa (PEV) apliken:

Hau long redi long wok long Australia

Dispela gaid em i karamapim ol impoten infomesen we ol PEV holda i nidim bipo long ol i statim wanpela nupela wok long Australia. Em I eksplenim ol ligel raits bilong yu olsem wanpela employi na I givim wanpela tok save long wanem samting yu ken ekspektim long wok ples kalsa bilong Australia long helpim yu pilim olsem yu redi na pilim konfiden.

Ol raits bilong yu olsem wanpela employi long Australia

Ol visa holda na maigren woka i gat seim wok ples rait na proteksen olsem olgeta narapela employi insait long Australia, maski ol i gat sitisensip o narapela narapela visa stetes.

Raits bilong yu olsem wanpela pemenen residen

- Yu gat rait long wok long wanem employa yu laik long Australia, long wanem wok yu laik, na long wanem lokesen yu laik long Australia.
- Raits bilong yu long wok ples em i lo bilong Australia i protektim aninit long *Fair Work Act*.
- Ol pemenen na ful-taim o pat-taim fiks tem wok, em ol rikwaimen bilong PEV, ol i givim ol entaitelmen kain olsem peid sik liv na liv bilong kera, na enuel liv.

Eksplenim visa bilong yu i go long ol employa

PEV em i wanpela nupela program, na dispela i min olsem sampela employa bai i no inap long save long em. Yu bai nid long eksplenim olsem visa bilong yu, taim yu kisim, em bai givim yu pemenen residen na woking raits.

PEV Employment Support Services i ken helpim yu long eksplenim dispela program i go long ol employa.

Wanem samting long mekim sapos yu gat problem long wok ples.

Fair Work Ombudsman (FWO) bilong Australia em i wanpela gavman ejensi we i save givim fri edvais, edukesen na helpim long olgeta employi bai ol i ken klia gut long raits bilong ol long wok ples.

Sapos yu ting wanpela employa i no rispektim raits bilong yu o i brukim ol ligel woking kondisen, yu ken ringim FWO long kisim fri edvais na sapot.

Sapos yu gat sampela kwesten long pe bilong yu na ol entaitelmen bilong yu, yu ken:

- Ringim FWO long 13 13 94 (yu ken kisim wanpela fri intapreta taim yu ringim Translating and Interpreting Service (TIS) long 13 14 50 pastaim)
- Rejista long My account long askim kwesten yusim onlain fom bilong ol
- Yusim Pay and Conditions Tool long kalkuletim pe na liv entaitelmen bilong yu [calculate.fairwork.gov.au](https://www.fairwork.gov.au/conditions)
- Yu no inap bungim trabel long wok ples o ol bai no inap long kenselim visa bilong yu bikos yu kontektim FWO.

Long kisim moa infomesen, lukim websait bilong FWO long: [fairwork.gov.au/migrantworkers](https://www.fairwork.gov.au/migrantworkers)

Na tu, yu ken wotsim ol vidio bilong FWO long tok ples bilong yu long helpim yu long klia gut long ol besik wok ples raits na entaitelmen bilong yu: [fairwork.gov.au/language-help/language-storyboards](https://www.fairwork.gov.au/language-help/language-storyboards)

Long kisim moa infomesen long statim wanpela nupela wok, yu ken mekim onlain kos bilong FWO long: fairwork.gov.au/tools-and-resources/online-learning-centre/starting-a-new-job



Klia gut long wok ples kalsa bilong Australia

Ol wok ples bilong Australia i ken narakain liklik long ol wok ples insait long Pasifik na Timor-Leste.

Taim yu klia gut long ol deferens, dispela i ken helpim yu long mekim gut nupela wok bilong yu na bildim ol positiv rilesensip wantaim ol wanwok na supavaisa bilong yu.



Te reitaki ae kaineti

- Ol Australia i save dairek moa long sait bilong wok ples komyunikesen na dispela i narakain liklik long ol Pasifik kalsa
- Em i nomol long askim ol kwesten, mekim ol instraksen i klia moa, na tokaut long ol wari o konsen i go long supavaisa
- Pasin bilong toktok em ol i save lukim olsem pasin bilong traime long stopim hevi bipo long em i kamap na ol i no save lukim olsem pasin we i no soim rispek
- Pasin bilong yusim kesuel toktok em i save kamap planti taim long wok ples, na em i save kamap taim ol wok lain i toktok wantaim ol meneja tu.



Askim long helpim

- Ol employa bilong Australia bai ekspektim yu long askim ol kwesten sapos yu no klia gut long wanpela samting
- Sapos yu tok "Mi no save" o "Mi nidim helpim" em ol bai laik long harim na em i soim olsem yu hones
- Sapos yu no askim kwesten taim yu paul long sampela samting, dispela em employa bilong yu bai lukim olsem wanpela problem.



Te mwakuri ma taian manatia

- Ol meneja em planti taim yu ken toktok wantaim ol na yu mas ekspektim ol long komyuniket wantaim yu planti taim
- Ol supavaisa i stap long sapotim y una givim daireksen
- Regula wan-on-wan miting wantaim meneja bilong yu em i nomol pat bilong wok
- Pasin bilong i gat ol sosol konvesen wantaim ol

meneja bilong yu long taim bilong brek em i komon na i orait long mekim.



Kamap long taim

- Pasin bilong kamap long taim o kamap eli liklik long wok em i pasin we ol employa long Australia i ekspektim
- Em i nomol long ringim supavaisa bilong yu na tok save long em sapos yu bai leit long wok. Pasin bilong kam leit em planti lain i no ekseptim long Australia tasol sapos ol samting we yu no inap long kontrolim i kamap, kain olsem dilei long pablik trenspot.



PEV Employen Sapot Sevis i save holim ol regula webina, long dispela taim em ol bai toktok moa long wok ples kalsa bilong Australia. Painimaut moa long PEV Employen Sapot Sevis long pev.gov.au

Long websait bilong mipela, yu ken eksplorim moa risos, wantaim ol employen infomesen pepa na ol CV templet. Yu ken sain ap long ol Employen Infomesen Sesen long lainim moa long hau long painim wanpela wok long Australia.

